

سنه لکی در سعادت ایچون مجیده
یکرمی غروش حسابیله التمش
غروشدر

طشمره ایچون پوسته اجرتی اوله رق
اون بش غروش ضم اولتور

نسخه سی ۴۰ پاره در

تجارتی حکم

آبونه اولق ایستینلر دائره عدلیه ده
اداره مخصوصه سنه مراجعت
ایتملدر

اعلاناتک بهرندن بر مجیده اخذ
ایدیلور

نسخه سی ۴۰ پاره در

هفته ده ایکی دفعه جمعه ایرتسی و چهارشنبه کونلری نشر اولتور. محتویاتی امور عدلیه متعلقدر

تجارتی و حقوقی

عدلیه نظارت جلیله سی پول مأموریتنه محاسبه
قلمی پول ماسه سی کاتبی فوتلو اسماعیل حق افندی
تعیین اولنه رق مومی الیهک « ذات شوکتسمات حضرت
خلافتیناهی به ودولت علیه لینه صادقانه حسن ایقایی
خدمت ایده جکنه و خلاف ناموس و صداقت و مغایر
عدالت احوال و حرکاتی ده ارتکاب ایلیه جکنه » دائر
امر تحلیفی اجرا قلمشدر .

تبلیغات

معدنچی متوفی مختار افندینک ذمت امیریه سندن
طولانی معدن داخلنده زوجسه سنه انتقال ایدن
خانه سندن بشقه مراجعت اولنه حق اموالی بولنماسندن
ناشی بدل ایجاری ذمتنه محسوب ایدلمک اوزره مذکور
خانه جانب حکومتدن استیجار و مأمورینک اقامتلی
ایچون موقتاً حکومت دائره سی اتخاذ اولنمش و اجاره سی ده
قائم مقام قضا ایله صاحبه سی طرفندن معدن صندوقه
تسلیم ایدلمکده بولنمش اولدینی حالده حلاجیان پارسیخ
افندینک متوفای مومی الیهده اولان آلاچندن طولانی
ارکلی بدایت محکمه سندن استحصال ایلدیکی اعلام
حکمنک تنفیذی ضمننده ذکر اولسان خانه نک حجز
و فروخته قیام اولنمش مطلوبات امیریه نک دیون
سائریه ترجیحاً تحصیلی حقنده کی احکام قانونیه به
مخالف اولدیغندن معدن اداره سنک بقیه مطلوبی اولان
اون اوچ بیک کسور غروشک بدل ایجاردن استیفا سنه
قدر معاملات اجراییه نک تأخیری و یا مطلوب مذکور
داین مومی الیه طرفندن دفعه تسویه سندن صکره مذکور
خانه نک فروختی ضمننده محله تبلیغات ایفاسی حقنده
بحریه نظارت جلیله سندن وارد اولان تذکره اوزرینه ایجابی
انجمن عدلیه جه لدی التذکر مطلوبات امیریه نک دیون
سائریه ترجیحاً تحصیلی اجرا قانوننک التمش بدنجی ماده-
سی ذیلنک محتوی اولدینی فقرات نظامیه احکامندن
اولمسيله اعشار بدلاتی کبی حکم و اعلام استحصاله محتاج

اولسان خزینة جلیله مطلوباتسندن طولانی دوائر
اجراییه به ابراز اولنه حق سندات مصدقه اوزرینه
دیگر داینلرک اعلامه مربوط اولان آلاچلرینک
تسویه سندن اول حق رجحانی حائز بولنان مطلوبات
مذکور نک تحصیلی بولنده معامله اتخاذ و اجرایی طبیعی
بولنمش ایسه ده تحصيل واستیفاسی محاکم عانده سندن
حکم و قراره ربط ایتدیرلمک اصولاً و قانوناً مقتضی
بولنان بوکی مطلوبات امیریه نک بلا حکم قرارلشدیریلان
صورت تسویه سی احکام و مقررات لاحقیه تنفیذ
واجرا وظیفه سیله مکلف اولان دائره اجراه دیگر
آلاچلرولرک اعلامه مستنداً وضع ایلدکلی حجز
معامله متعاقبه سنک تأخیرینه سبب قانونی اوله میه جفی
درکار و حق رجحاندن استفاده ایله برابر اجرا
معاملاتی تأخیر ایچون محکمه به مراجعت اولنقی
لزومی ظاهر و آشکار بولنمش اولدیغندن اشعار واقع
دائرة سنده محله تبلیغات ایفاسی غیر جائز اولغله قانونک
سلامت جریاننی محل اولان احواله میدان ویرلما سنک
و تأخیر اجرا خصوصنک دخی محکمه دن ویریه جک
قرار و یا آرانیلان مبالغ حقنده استحصال اولنه حق
حکم ایله طاب و درمیان اولنمشک مأمورین عانده سنه
اشعاری اقتضا ایده جکنک. نظارت مشاور الیهیه جواباً
ازباری انجمن مذکور دن افاده و عدلیه نظارت جلیله-
سندن دخی اولوجهله تبلیغ ماده قلمشدر .

محاکمات و مقررات

محکمه تمیز حقوق دائره سندن اعطا قلنان
۱۴ ایلول سنه ۳۱۸ تاریخی اعلامدر:
ازمیرده بدایت خاندنه مقیم تجاردن سیموئیل
تابوح ایله قطار پولیس مرکزی قربنده ساکن
تجاردن پنا یوط طریانده فیلیدی بیننده متحدث دعوا به
دائر ازمیر تجارت محکمه سندن ۱۹ حزران سنه ۳۱۸
تاریخی و یتش اوچ عددی ایله ویریلان اعلام مرقوم
سموئیل تابوح طرفندن تمیز ایدلمکله اعلام مذکور

یالکز مستدعینک اعتراض لایحه سیله بالمطالعه تدقیقات
تمیزیه اجراسنه ابتدار قلندی .
اعلام مذکورک خلاصه مالی مرقوم سموئیل
تابوحک پنا یوط طریانده فیلیدی ذمتنده پینر
اثمانندن رایج حقه مطلوبی بولنان درت بیک الی بش
غروشک مع فائض مرقوم پنا یوطدن تحصیلی طلب
وادعا ایتسنه قارشو مدعی علیه وکیل دخی موکلنک
مدعیدن آلمش اولدینی قرق واریل پینرک انجق اوتوز
بر واریلی تسلیم قلنوب بونکده اون بر واریلی بوزلمش
اولدیغندن دریاه آلمسی بلدی جانندن امر اولدینی
کون مذکور اون بر واریل پینری کیرو آلمسی موکلی
طرفندن مدعی به پروتسو کشیده سیله اخطار اولدینی
حالده کلوب آلمدیغندن مذکور اون بر واریل پینر
دکزه آلمدینی جهتله عند الحساب موکلنک مدعی به
بورجی اولدقدن بشقه ذمتنده اوچیز کسور غروش
دها آلاچنی اولدیغنی مدافعه بیان و پینرک بوزلمش
و غیر قابل اصلاح بولنمش اولدیغنه دائر اصناف
طرفندن بالمعاینه ویریلان بر قطعه راپور ایله مذکور
پروتستوی ارانه ایتسی اوزرینه بلدی دن استفسار
کیفیت اولدقدن صکره جریان ایدن محاکمه و تدقیقات
نتیجه سنده مدعی علیه منازع فی اولان پینرلرک بوزوق
اولدیغنی کوروب اصنافه معاینه ایتدیردکده پینرک
موضوع اولدینی واریلرک درونه آغیر چکمنک
ایچون طاتلی صو قولنمش و بوسیله بوزولمش اولدینی
و پینرک ایچنه طاتلی صو قولنلدیغنی تاریخدن اعتباراً
بر آیدن اوچ آیه قدر قوقوسنک میدان چقه جفی
پینرچی اصنافی طرفلرندن ویریلوب ابراز اولسان
راپورده بیان اولنسنه بناء مجله نک اوچیز الی بشنجی
ماده سی موجبنه بو بایده کی بیع باطل اولغله مدعی
مرقوم مذکور اون بر واریل پینر ثمنی مدعی علیه
مرقوم پنا یوطدن طلبه صلاحیتی کوریه مامش اولدیغندن
مرقومک دعوی واقع سنک ردینه حکمدن و مستدعی
تمیزک اشبو اعلام علیه ده لایحه سنده محرر اعتراضاتنک
باشلوجه سی جانب بلدی دن دکزه القای ایدلیدی ادعا
اولنان مذکور اون ایکی واریل پینرک کندوسنک بیع

ایتدیک پینر اولدینی واولسه بیله ادا ایدیلان عییک قدیم اوله میه جفی حقدده درمیان ایلدیک ادا می محکمه جه نظر دقه آلتیه رقی میرز راپوره بناء بیع واقعل بطلانسه حکم اولنسی یولسز ومغایر قانون اولدیغندن بختله اعلام مذکورک تقضی استعناستندن عبارتدر .

ایجابی مذاکره اولدقده اعلام مذکور مألندن مستفاد اولدینی اوزره منازع فیه پینرک مشتری مرقومه حین تسلیمنده بوزوق اولوب اولدیغنی محکمه جه تدقیقه بوزوق اولدینی ثابت اولور ایسه بایعک من میعی مشتری به ردینه قرار ویرلک ایجاب ایدر ایکن محکمه جه بویوله اجرای تدقیقات ایدلکسین مدعینک غیایبده تنظیم قلمنا اصناف راپورینه بناء مدعینک رد ادا سانه قرار ویرلسی یولسز ومغایر قانون اولدیغندن اصول محاکمه حقوقیه قانوننک ایکپوز اوتوز ایکنجی ماده سی موجبیجه اعلام مذکورک تقضیه قانون مزبورک ایکپوز قرق دردیجی ماده سنک فقره اولاسی حکمه توفیقاً برمنوال محرر کیفینک بارویه اعلامه ربطی ضمتنده محکمه مذکوریه اعاده سنه اولور و آخر مستدعی تمیزدن آلتان اوچپوز طقسان اوچ یچ غروش مصارف تمیزیه نک ایلورده حقسز یقجه حق طرفه فائد اولسنه ۱۴ ایلول سنه ۳۱۸ تاریخنده متفقاً قرار ویرلدی .

بیان آباد قضا سنک شیخلر قریه سندن سلیم اوغلی یوسنی قتل ایلدیک ادا اولنسنندن طولانی جنایتله اتهام اولنسان چین اوغلی توفیقک اون بش سنه مدته کورک قولنسنه دائر اقره ولایتی استیناف محکمه سی جزا دائره سندن ویریلان یوز اون اوچ نومرولی اعلام

عاجی اوغلی استاورینک دکانی کلیدی قیره رق اشیا سی سرق ایلدیکاری ادا قلمسنندن طولانی جنایتله اتهام ایدیلان باصمه جی اوغلی میساق ومالیر اوغلی اوخانلک اوچر سنه مدتلرله کورک قوللرینه دائر اماسیه سنجانی بدایت محکمه سی جزا دائره سندن ویریلان یتش اتی نومرولی اعلام

زاده قصبه سی اهالی سندن بارصواوغلی عوادینک قتلندن طولانی جنایتله اتهام ایدیلان عثمان بن اسحقک اون بش سنه مدته کورک قولنسنه دائر سیواس ولایتی استیناف محکمه سی جزا دائره سندن ویریلان ایکپوز طقسان اتی نومرولی اعلام

وقف کیر قضا سنک ادره سی قریه سی اهالی سندن کل موسی اوغلی حسینک ماده قتلندن طولانی جنایتله اتهام اولنان قریه مزبورلی حسن بن کریمک اون بش سنه مدته کورک قولنسنه دائر طرزون ولایتی

استیناف محکمه سی جزا دائره سندن ویریلان یتش بش نومرولی اعلام

آلونیه نک دوقاف قریه سندن خانقو نام قادی نک کیفیت قتلندن طولانی جنایتله اتهام اولنسان قریه مزبورلی سلام بن ولینک اون بش سنه مدته کورک قولنسنه دائر برات سنجانی بدایت محکمه سی جزا دائره سندن ویریلان بکرمی نومرولی اعلام

کلیس قضا سنک قری قریه سندن سلیمان اغانک زوجیه سی فاطمه نک ماده قتلندن طولانی جنایتله اتهام اولنان حیدر بن حیسونک اون بش سنه مدته کورک قولنسنه دائر حلب ولایتی استیناف محکمه سی جزا دائره سندن ویریلان درت یوز طقسان یدی نومرولی اعلام

غلطه ده ارقادی زقاغنده قوندره جی هراقلینک کیفیت قتلندن طولانی جنایتله اتهام اولان طولوبه جی قله آتینک اون بش سنه مدته کورک قولنسنه دائر درسعادت جنایت محکمه سندن ویریلان یوز طقسان ایکی نومرولی اعلام

غلطه ده بکزاده زقاغنده ساکنه اسپاسیه قادی جرح و قتل ایلدیک ادا اولنسنندن طولانی جنایتله اتهام اولنان مناسرتلی سودجی کرپاقو ولد مانولک اون بش سنه مدته کورک قولنسنه دائر درسعادت جنایت محکمه سندن ویریلان ایکپوز اوتوز نومرولی اعلام

آطه بازاری قصبه سنک قیوچی محله سنده بغوص برپوس و اوغلی وارطانک انانی راهده اوکاربیه جقه رق معامله جبر و شدت اجراسیه نقدوبارکر لری اخذ و سرق ایلدیک ادا اولنسنندن طولانی جنایتله اتهام اولنان کیوله حاجی حسن اوغلی یعقوبک اوچ سنه مدته کورک قولنسنه دائر ازمید سنجانی بدایت محکمه سی جزا دائره سندن ویریلان اون سکر نومرولی اعلام محکمه تمیز جزا دائره سنجه تصدیق اولمشدر .

صاری یارده اورته چشمه جاده سنده مخدومی عربیه جی محمدی جرح و قتل ایلدیک ادا سیله مهم بولان عربیه جی علی حقدده اجرا قلمنا محاکمه نتیجه سنده مرقومک بالنسازه مرقوم محمدی جرح و قتل ایتدیک شاهدلرک شهاداتی ومعاینه راپوری مندرجانی وکندوسنک صور افاداتی ایله ثابت اولدیغندن اول وجهله مجرمیتده وقانون جزانک یوز یتش دردیجی ماده سنک فقره اولاسی حکمه توفیقاً اون بش سنه مدته کورک قولنسنه ۲ ایلول سنه ۳۱۹ تاریخنده محکمه جنایتجه قرار ویرلشددر .

فاتح جامع شریفی قریه سنده بایماجیلر زقاغنده عثمانی جرح و قتل ایتدیک ادا سیله مهم بولنان بربر مصطفی حقدده اجرا ایدیلان محاکمه نتیجه سنده مرقومک انانی منازعه ده فعل قتل مذکور اجتناسی شاهدلرک شهاداتی ومعاینه راپوری مندرجانی ومقتولک قبل الوقات ضبط اولنسان افاده سی ایله تحقق ایتدیکندن مرقومک اول صورته مجرمیتده وقانون جزانک ۱۷۴ نجی ماده سنک فقره اولاسی حکمه توفیقاً اون بش سنه مدته کورک قولنسنه ۲ ایلول سنه ۳۱۹ تاریخنده محکمه جنایتجه قرار ویرلشددر .

جهانگیرده شفیه خانمک خانه سندن سرقته تصدی ایلدیک ادا سیله مهم بولنان عمر افندی حقدده اجرا قلمنا محاکمه نتیجه سنده مرقومک سرقته تصدی فعلی اکلاسیله میوب انجی مز بوره شفیه خانمک کریمیه سی حسنا خانمه صارقیدلیق ایلدیک روش افاده سی وشاهدلرک شهاداتی وساردلائل ایله ثابت اولدیغندن فعل مذکورک فاعلی اولدیغه وقانون جزانک ایکپوز ایکنجی ماده سی ذیلنک ایکنجی فقره سنه توفیقاً اوچ ماه مدته حبسنه ۱۶ ایلول سنه ۳۱۹ تاریخنده محکمه جنایتجه قرار ویرلشددر .

طاوق بازاردنده چوبان مظلومک قتلندن طولانی مهم بولنان اکیلی چوبان حسن حقدده اجرا قلمنا محاکمه نتیجه سنده مرقومک بالتهور مذکور قتل فعلله جرأت ایتدیک کندوسنک روش افاده سی وشاهدلرک شهاداتی ومعاینه راپوری مندرجانی ایله ثابت اولدیغندن اول وجهله مجرمیتده وقانون جزانک یوز یتش دردیجی ماده سنک فقره اولاسی حکمه توفیقاً اون بش سنه مدته کورک قولنسنه ۲۳ ایلول سنه ۳۱۹ تاریخنده محکمه جنایتجه قرار ویرلشددر .

یکدیگری ضرب ایدن قاضی کوبنده ساکن پورتقالجی حسین وعلی اغارلک اوزر کون حبسلرینه یواکمی ضرب واجرای مأموریت حالنده پولیس موسی افندی به حقارت ایدن شیخ جامع شریفنده ساکن حسنک اون بش کون حبسنه

دقتسز لکه حریق ظهورینه سببت ویرن قاضی کوبنده ساکن عطار باده لینگ برهفته حبسنه ومرقومدن برلیرا جزای نقدی اخذینه

مضارب ایدن قاضی کوبنده اسکله قاشجیلرندن اسماعیل ایله مصطفانک اون بشر کون حبسلرینه

دولکر یانی ضرب ایدن قلامشده ساکن عزت اغادن برلیرا آلتهرق مضروب اعطاسنه

صاریبانی ضرب ایدن غلطه ده ساکن یونانی آندوندن برلیرا آلتهرق مزبوره ویرلسنه

قانه نک دقتسز لکه مجروحیتنه سببت ویرن چالغیجی شوقینک بر هفته حبسنه ومرقومدن سکسان غروشده مصارف جراحیه تخصیصنه

ثروت خانمک خانه سنی طاشلا دینی ثابت اولان حق افندی بکرمی درت ساعت حبسنه والی بشلک جزای نقدی آلتسنه

قوندره جی مارقونک اچقه سنی سرق ایدن ژافک صغری سنی حبسیله ولینسنه تسلیمنه ومرقومه یتاقلق ایدن یازنجی زقاغنده ساکن برارک اوچ آی حبسنه

اجرای مأموریت حالنده پولیس احمد افندی ضرب ایدن قاضی قریه سنده موداده ساکن دلال نوشهرلی سائک اتی حبسنه

چرکشلی عایشه نک خدمت ایلدیک افندی سنک خانه سنه مسافره کلش اولان خدیجه خانمک بشی بربره برعدد لیراسنی سرق ایلدیک ثابت اولدیغندن آلتی آی حبسنه

یورغانجی محمد نور الدین افندی به اطاله لسان ایدن اسکدارده کلم خانون محله سنده ساکن جلب حسن و برادری حسین اغارلردن یارمشر لیرا جزای نقدی اخذینه

علی نام چوجفک مجروحیتنه سببت ویرن قاضی کوبنده ساکن طورسونک برهفته حبسنه

مضارب ایدن طوغانجیلر ده ساکن آتجی عثمان ایله یارمقلقجی محمدک بر هفته حبسلرینه

طاشجی پانده لی ی ضرب ایدن ایرانی نجف قولینک اون کون حبسنه

صراف رفائله اطاله لسان ایدن بقال بخوردن بر یچق لیرا جزای نقدی اخذینه

آرابه جی حسینک زینتی قادی نه اطاله لسان ایلدیک اکلانشلیغندن بر یچق لیرا جزای نقدی اخذینه

مصطفی افندی نک خانه سندن اشیا سرق ایلدیک تحقیق ایدن موشلی رضانک اوچ آی حبسنه و ختام مدت جزای سنده ضابطه جه کفالتیه ربطنه

قوندره بویاجیسی محمود ونیکده لی بدوسک مضارب ایتدیکاری ثابت اولدیغندن بر هفته حبسلرینه

طودورینک قترینه ی ضرب ایلدیک اکلانشلیغندن کندیسندن بر یچق لیرا آلتهرق مضروب به اعطاسنه کتسندن اشرف افندی نک پولیس چاوشی احمد خلوصی افندی به اجرای وظیفه حالنده اطاله لسان ایتدیک ثابت اولدیغندن کندوسندن ایکی لیرا جزای نقدی اخذینه

اوخانسی ضرب و جرح ایلدیک ثابت اولان قاضی کوبنده ساکن یونانی کورجی طودورینک اون بش کون حبسنه

اجرای مأموریت حالنده اناتولی شندوفر اداره سی مأمورلرندن ملتپادی وهرکول افندی لری ضرب ایلدیک ثابت اولان کوزتبه ده ساکن خدمتکار احمد اغانک اتی آی حبسنه

غازینو جی مهران و میناس طرفلرندن کندولرینه تودیع اولنان آقچی کتم ایله امنیتیه سوء استعمال ایدن غارسون یراسیموس ورفیق صوتیرینک ایکشر آی حبسلرینه وکندیلرندن الیشیر غروش جزای نقدی آلتسنه

طاشجی سعید اغانی ضرب ایدن بلغورلیده مسجد محله سنده ساکنه عایشه خانمندن برلیرا آلتهرق مضروب مرقومه اعطاسنه

خلاف نظام سلاح طاشیان آرابه جی بالچقلی اسماعیل ایله محمد علیدن بشر بشلک جزای نقدی آلتسنه

مرور تذکره سنی تحریف ایلدیک ثابت اولان فستخانه عمله سندن علینک برسنه حبسنه

بلاطلی پولیس قادی ضرب ایدن ترزی بخوردن برلیر آلتهرق مضروب به اعطاسنه

سراج طوغان محله سنده ساکنه فاطمه وامینه خانماری ضرب ایدن بکچی قاسمدن ایکی لیرا آلتهرق مزبورتانه ویرلسنه

کدک پاشاده ساکن یشجی احمد افندی به اطاله لسان ایدن مرانغوز محمود اغانک اون بش کون حبسنه حال محمدی ضرب ایدن یازیده بکچی شیرولی قاسمدن برلیرا آلتهرق مضروب اعطاسنه

خواجه پاشاده ساکن سیتیجی بدروس ایله نظرتک یکدیگری ضرب ایلدیکاری ثابت اولدیغندن بر هفته حبسلرینه

لاترینه جی ساقرلی دیمترینک یونان دولتی تبعه سندن طناشی یی ضرب ایلدیک اکلانشلیغندن بر هفته حبسنه

عتیق علی پاشاده مئوا حسنک اموال منقوله سنه ایراث خسار ایدن اسکی زغرهل علی ایله مرقوم حسنک یکدیگری ضرب ایلدیکاری ده ثابت اولسنندن ناشی مرقومانک بر هفته حبسلرینه

اوزون یوسف محله سنده ساکنه کامله خانمک خانه سنی طاشلایان امینه خانمک بکرمی درت ساعت حبسنه

دعوی وکیلی محمد رضا افندی به اطاله لسان ایدن صراف طوبوز اوغلی اسحاق ایله اوشاخی یورداندن یارمشر لیرا جزای نقدی اخذینه

یکدیگری ضرب ایدن سرکه جیده صندالچی قدیرک برهفته ومحمدک اون کون مدتلرله حبسلرینه قوندره جی قسطنینک کدک پاشا فروشنده خیرکار قسطنینی ضرب ایلدیک ثابت اولدیغندن بر هفته حبسنه قازلی چشمه ده قهوه جی چراغی عبداللهی جرح ایدن سقراطک بر آی حبسنه

ایوبلی حاجی موسای ضرب ایدن حاجی نورالدین افندی نک برهفته حبسنه

مزارجی علینک حدی یی ضرب ایتدیک ثابت اولدیغندن برلیرا آلتهرق مضروب اعطاسنه

یکدیگری ضرب ایلدیکاری ثابت اولان ایوبده صندالچی قدیر ایله احمدک بر هفته حبسلرینه

سیتیجی زقاغنده ساکنه طوطی قادی نه صارقیدلیق ایدن خروسلی مغازه سنده خدمتکار هایمک بر آی حبسنه

فاتحه ساکن محمدک باب سرعسکری کتسندن مصطفی یشار افندی به اطاله لسان ایلدیک ثابت اولدیغندن مرقومدن یارم لیرا جزای نقدی اخذینه کیریشجی آغوبک، رفیق محمد راشده اطاله لسان ایلدیک ثابت اولدیغندن برهفته حبسنه

پولیس قومیسری عثمان افندی ایله اتی مرمرده قوندره جی قالفه سی کلک یکدیگری ضرب و جرح ایلدیکاری اکلانشلیغندن کلکک بر آی و عثمان افندی نک اون کون حبسلرینه

یکدیگری ضرب ایدن کری قولی تئودوسیانک اون بش واستاوری ایله اولومیانک بر هفته حبسلرینه درسعادت، بک اوغلی واسکدار بدایت محکمه لری جزا دائره لنجه قرار ویرلشددر .

مجازات لایقانه

تنوس قضای بدایت محکمه سی اعضا سندن اولوب مستطقلک وظیفه سنی اشا ایدن فیض راه افندی نک بر جرح ماده سندن طولانی خرج راه نامیله خلاف قانون اخذ ایلدیک اچقنی محکمه مذکور برنجی کابی عزت افندی وطیب دینلان حاجی اوسته ایله ینلرنده تقسیم ایلدیکاری سیواس ولایتی استیناف مدعی عمومیاکنندن کوندریلان اوراق تحقیقه مندرجانندن اکلانشلهرق دیگر ایجاب ایدلر حقدده دخی تعقیبات قانونیه اجرا ایدلک اوزره اعضای موسی الیهک محاکمه آلتنه آلتسنه عدلیه نظارت جلیله سندن مأذونیت اعطا ومذکور مدعی عمومیکه تبلیغات مقتضیه اجرا ایدلشددر .

الاعلانات

در سعادت منابت محكمه سنده :

بيك اوچيوز اون يدي سنده سي كانون نائيسنك در دنجي جمعه كيجه سي مستأجراً بولند قلى پانغالتيده جايديه زقاغنده كائن خانه ي قصداً احراق ايتدكلى ادعاسيله اتهام قلوب حال فرارده بولنان اورته بوبلى دوز آلينلى سياه صاچ وقاش وكوز وبيقلى ومتاسب اغز و برون وچكلى وبغداى بكزلى ايتاليا دولتى تبعه سندن رايون آلغرو ولد جوزده بو و مرقومك زوجة سي دولت مشار اليها تبعه سندن بك اوغلنده آينه لى چشمه ده جرمانيا خسته خانه سي زقاغنده بر خانه ده اقامت ايدن يكرمى بش ياشنده ماري بنت نو قريچك در دست اولنه مامش اولد قلى زدن تاريخدن اعتباراً جانب رياستدن كندولرينه مجدداً اون كون مهل اعطا قنمشدر . مهل معين طرفنده محكمه يه كلكلى حالده قانونه اطاعت ايتامش نظريه باقيله رق حقوق مدنيه دن اسقاط قلنه جقلى وعليه رنده دعوايه قيام اولنه جنى وبوصريده بر كونه ادعايه جقلى اوله ميه جنى و ماللرينك حيز آلتنه آلتنه جنى و بالمله ضابطه عدليه مأمورلرينك كندولرينى طومغه مجبور بولند قلى كجى معاملات حمزيه حقنده دخى مدعى عموميله كجى تبليغات مقتضيه اجرا ايدلديكى جهته اصول محاكمات جزائيه قانونك اوچيوز تيمش برنجى و اوچيوز تيمش ايكنجى ماده لرندن استنباط اولنان احكامه توفيقاً اشبو قرارنامه بالتنظيم اعلان اولنور .

ايكنجى تجارت محكمه سنده :

جباليده فار جاده سنده بلانومرو خانه ده مقيم صفيه دائره سنده تقش انسانى قوميسيونى اعضاسندن ميرلوا سعاتلو لاميكي پاشا طرفندن اقامتكاهى مجهول رالو بنت ديمتري قادين عليه نه جباليده سفر يقوز محله سنده ۱۹۵ نومرو ايله مرقم مقدا خانه واليوم عرصه اوزرينه موضوع حمزك فكنه دائر در سعادت ايكنجى تجارت محكمه سي حضورنده اقامه ايدلديكى دعوى اوچيوز اون طقوز سنده سي تشرين اولنك در دنجي جمعه ايرتسى كوني ساعت التيده فصل ورؤيت اولنه جغندن يوم ووقت مزبورده مدعى عليها ، مرقومه رالو قادينك بالذات محكمه مذكوره ده حاضر بولنمى وياخود مصدق سنده بروكيل كوندرمى لازم كلكجى شايد كيز ووكيل كوندرمى ايسه حقنده معامله غيايبه اجرا قلنه جنى معلوم اولمق اوزره تنظيم اولنان دعوتيه ورقه سي محكمه نك ديوانخانه سنده تعليق اولنديكى كجى اوراق حوادث واسطه سيله دخى اعلاننه ايتدار قلندى .

در سعادت بالى بازارنده پينر تجارتيه مشغول ايكن ايكنجى محكمه تجارتدن افلاسنه حكم اولنمش اولان يوكم ديمتريو وآنستى يوان اوغلى شركتلك خصوصات افلاسيه سنك رؤيت وتسويه سي ضمنتده دعوى وكيلا رندن يادكار اوغلى باولاكى و يوركى يوانيدى افديلر اصالة سنديك تعيين قنمش اولد قلى زدن مفلس مرقوم ذمتنده اله جنى اولنلرك قانوننامه تجارتك ۱۹۹ و ۲۰۰ نجى ماده لرى موجب ججه تحقيق ديون ايچون تاريخ اعلاندن اعتباراً يكرمى بركون طرفنده سنداتى محكمه كاتبه تسليم ايللرى ومدت مذكوره ختامندن صكره اوچ كونده يعنى كلكجى تشرين اولك اون بشنجى چهارشنبه ، اون التنجى پنجشنبه واون سكرنجى جمعه ايرتسى كونلرنده ايكنجى محكمه تجارتك افلاس اوطنه سنده كلكرك سنديك افديلر مواجهه سنده اله جقلى اثبات وقيد وتصديق ايتديرملرى ومدت مذكوره اثبات وجود ايدمى ان اله جقلى حقنده قانون مذكورك ۲۱۰ نجى ماده سنده توفيقاً ايفاي معامله اولنه جنى اعلان اولنور .

اعلامات شرعيه اجرا دائره سنده :

متوفى رفعت افندينك متوفى حاجى فيض اه افندى نيكه سي مهماته مشروطه نقود موقوفه سندن بااعلام شرعى استدان ايلديكى مبالغ معلومه نك تأمين استيفاسى ضمنتده محجوز ودر سعادت بدايت محكمه سي ايكنجى حقوق دائره سندن ويريان اعلام ايله فروختى محكوم بولنان اقسراى جوارنده بقله لى كمال الدين محله سنده كوچك لغه جاده سنده واقع اوتوز يدي و اوتوز طقوز نومرو ايله مقلوب قره غولخانه محلى بوندن اقدم لى المزايده ليراي عثمانى يوز غروشدن بشييك غروش بدل ايله طالبي اوزرنده تقرر ايتمش وموقت قرار داده سي كشيده قنمش اولديغندن يوزده بش ضميله بوندن زياده يه طالب اولنلرك تاريخ اعلاندن اعتباراً اوتوز بر كونه قدر اعلامات شرعيه اجرا دائره سنده مراجعت ايلملرى ومدت مذكوره ختامندن صكره ضم قبول اولنيوب تقرر ايدن بدل مقابلنده طالبي عهده سنده معامله فراغيه سنك اجرا قلنه جنى اعلان اولنور .

محكمه تجارت اجرا دائره سنده :

فرانسه دولتى تبعه سندن مير قوطرونك حليم پاشا زاده سعادتلو ابراهيم پاشا حضرتلرى ذمتنده برنجى محكمه تجارت اعلاميله آلاجنى اولان آچقه نك تسويه سيچون مديون مشار اليك سر كجى اسكله سي

جوارنده دايه خاتون محله سنده تيمور قيو جاده سنده معلوم الحدود اون يدي واون طقوز وقوم ميدانى زقاغنده سكر نومرولر ايله مرقم دروننده اون اوطنه لى كهنه برباب اخشاب قوناغى مشتمل بولنان على التخمين درت بيك ذراع عتيق مقدارى عرصه بوندن اقدم موقع مزايده يه قويله رق عثمانى ليراسى يوز غروش حسابيله يوز قرق يدي بيك بشيوز غروشه طالبي عهده سنده قلمش وتاريخ اعلاندن اعتباراً اوتوز بر كونه يعنى كلكجى تشرين اول رومينك يكرمى سكرنجى صالى كوني ساعت اونه قدر يوزده بش ضم قبول اولنمى وذكرا اولنان يوم وساعته صوك مزايده سي بالا اجرا قرار قطعى ويريله رك طالبي عهده سنده كچورلمسى مقرر بولنمش اولديغندن وآندن صكره هر نه ضم وقوعبولور ايسه قبول اولنيه جغندن مذكور عرصه يه يوزده بش ضميله طالب اولنلرك ودها زياده معلومات آلمق استيانلرك بدل مزايده نك عشرينه مساوى پى آچقه سيله برابر مدت مرقومه طرفنده محكمه تجارت اجرا دائره سنده مراجعت ايللرى ويوم ووقت مزبورده مذكور عرصه پيشكاهنده مأمورى مواجهه سنده حاضر بولملرى اعلان اولنور .

بك اوغلى بدايت محكمه سي اجرا دائره سنده :

خرستونك قسطى ذمتنده بك اوغلى بدايت محكمه سي ايكنجى حقوق دائره سنك برقطه اعلامى موجب ججه محكوم به اله جنى اولان معلوم المقدار مبالغك تأمين استيفاسى ضمنتده مديون مرقومك عهده تصرفنده بولنان يكي كويده آينيقوله محله سنده جفته قابريقه زقاغنده سكر نومرولى صرف ملك برباب خانه ايله اون نومرولى عرصه نك التى بيك طقوز يوز اون ايكي سهم اعتباريله اوچ بيك التى يوز سكسان يدي سهمى اوچ بيك غروش بدل ايله طالبي عهده سنده تقرر ايدرك موقت قرار داده سي چكلمش اولديغندن تاريخ اعلاندن اعتباراً اوتوز بر كون طرفنده يوزده بش ضميله طالب اولنلرك ودها زياده معلومات آلمق استيانلرك يوزده اون نسبتنده ديوزيتو اچقه لرينى مستصحباً بك اوغلى بدايت محكمه سي اجرا دائره سنده مراجعت ايللرى ومدت مذكوره ختامنده يعنى شهر ايلولك يكرمى التنجى بازار كوني ساعت طقوز قرارلرنده قرار داده قطعى كشيده قلمق اوزره سالف الذكر خانه پيشكاهنده مأمورى مواجهه سنده حاضر بولملرى اعلان اولنور .